



## 暗光鳥咧叫的時

「你有十箍無？」拄共車停好，一个少年仔行倚來我身軀邊按呢問。心情當齷齪，共幌頭講無，就無閣插伊。逐年佇暗光鳥咧叫的這個時陣，阮的神經線就愛開始絞予縲，因為大漢後生致著「躁鬱症」，佇三、四月春天桃花開的時上勢發作。症頭若夯起來，阮規家伙仔就予伊舞甲掉跋反。

這是伊致病了後第三擺發作，送伊來躑精神病院，阮嘛足姑不而將。伊是一个真守本份的囡仔，彼當陣伊為著欲成全我進修的心願，高職畢業的時，放棄升學的機會去做志願役。阮有約束，等我畢業換伊轉來讀冊。無疑悟，才做兩年半，伊就精神病發作。軍方佇伊出院了後隨強制辦退伍，兩個月後伊又閣發生車禍，搵甲真嚴重。病院親像咧修理家私頭仔全款，遮補遐紕，終其尾共伊救轉來。

車禍了後，因為有傷著頭殼，伊的反應已經無較早遐精光矣，毋過阮嘛是用耐心恰愛心陪伊復健。精神科的藥仔，一日三頓加宵夜，毋敢清彩閩。醫生有交代，藥仔愛照起工食，盡量顧予莫閣夯起來，若無，定定發作對伊的腦細胞有傷害。佗一个做人父母的無向望囡仔健康？阮共伊攔佇身軀邊，就是向望伊看會使較緊恢復正常人的生活無。

毋過畢竟是大腦破病，便若去揣工課，予人知影伊咧食精神科的藥仔，就予同事點油做記號。食藥仔了後手會掣，較幼路的、愛操作機台的工課阮嘛毋敢予允。佇康復期，佢恰咱全款攏真正常，干干仔媒體對佢無友善，定定講佢是「無定時的炸彈」，予阮遮的家屬感覺真無奈！

「你有十箍無？」後生問我。

「你捏十箍欲創啥？」伊用指指指誑佇診療室邊仔的彼台販賣機，原來伊提十箍是欲去橐礦泉水來淋。食藥仔真勢喙焦，這嘛是個著愛忍受的副作用之一。

車駛離開病院，耳空邊蓋成閣有聽著暗光鳥咧叫的聲。當頭白日呢，這隻當咧齷齪仔的暗光鳥，敢也精神錯亂矣？。

作者：霽虹

### ☆詞彙學習☆

【齷齪】ak-tsak：心情鬱悶、煩躁。

【幌頭】hàinn-thâu：搖頭。

【暗光鳥】àm-kong-tsiáu：貓頭鷹。

【掉跋反】tshia-puáh-píng：比喻反覆折騰或奔波勞累。

【搵】lòng：碰撞。

【精光】tsing-kong：精明。頭腦聰明，做事仔細。

【指指】kí-tsáinn：食指。

【夯】phānn：結交異性朋友。

【娣仔】tshit-á：女朋友、馬子。戲謔的稱呼。